

藏經書院版

卍
續藏經

第 103 冊

中國撰述

華嚴宗著述部

新文豐出版公司
印行

已續藏經.——臺一版.——臺北市：新文豐，[民82
-]

冊；公分

ISBN 957-17-0665-5（一套：精裝）

——ISBN 957-17-1218-3（第一〇三冊：精裝）

1.藏經

221.08

82000521

所
有



版
權

印發
刷行
所及

新文豐出版
股份有限公司

發行人
高

本
釗

編輯者
藏經書院

新
已續藏經
全一五一冊
第一〇三冊

精裝一冊基價一五·五五元正

中華民國八十三年十一月台一版一版三刷

公司：臺北市雙園街九十六號
電話：三〇六〇七五七·三〇八八六二
門市部：臺北市羅斯福路一段二十號八樓
電話：三五一五二九三·三四一五二九
登記：郵政三六四·三六四九
郵政撥證：局版臺業字第〇六四九號
傳真：三五六八〇七六·三〇二三八七〇

22090200（精：一套）

22090303（精：第一〇三冊）

南無本師釋迦牟尼佛



卍 續藏經第一〇三冊目錄

新文豐出版公司影印卍續藏經會編印

中國撰述 華嚴宗著述部

華嚴融會一乘義章明宗記一卷	宋師	會述	0001
華嚴經問答二卷	唐法	藏撰	0057
華嚴經義海百門一卷	唐法	藏述	0087
華嚴圓脈義記一卷	唐法	藏述	0108
華嚴遊心法界記一卷	唐法	藏撰	0115
華嚴發菩提心章一卷	唐法	藏述	0135
華嚴經普賢觀行法門一卷	唐法	藏撰	0146
註華嚴金師子章一卷	宋承	遷註	0148
華嚴妄盡還源觀疏鈔補解一卷	宋淨	源述	0157
華嚴一乘教義分齊章義苑疏十卷	宋道	亭述	0187
華嚴一乘教義分齊章梵新二卷	宋師	會錄	0330

華嚴一乘教義分齊章科一卷.....宋師會述.....0365

華嚴一乘教義分齊章復古記六卷.....宋善會述.....0393

評復古記一卷.....宋希迪錄.....0575

華嚴一乘法界圖一卷.....新羅義湘撰.....0587

華嚴海印三昧論一卷.....新羅明晶述.....0598

三聖圓融觀門一卷.....唐澄觀述.....0602

五蘊觀一卷.....唐澄觀述.....0605

華嚴心要法門註一卷.....唐宗密述.....0606

禪源諸詮集都序四卷.....唐宗密述.....0608

註華嚴法界觀科文一卷.....唐宗密述.....0641

註華嚴法界觀科文一卷.....唐宗密述.....0653

註華嚴法界觀門頌二卷.....宋本嵩述.....0660

勸發菩提心文一卷.....唐裴休述.....0699

釋華嚴十明論一卷.....唐李通玄撰.....0707

華嚴一乘成佛妙義一卷.....唐見登集.....0719

華嚴法相繫節一卷	宋道	通述	0755
法界觀披雲集一卷	宋道	通述	0782
圓宗文類卷十四與二十二	高麗義	天集	0786
註華嚴同敎一乘策一卷	宋希師	會述	0862
註同敎問答一卷	宋希師	會述	0873
評金剛鉅一卷	宋善	熹述	0886
辨非集一卷	宋善	熹述	0892
斥謬一卷	宋善	熹書	0903
文殊指南圖讚一卷	宋惟	白讚	0910
華嚴大意一卷	明善	堅撰	0937

釋雲華尊者融會一乘義章明宗記

義同教三述同教策斥前二非立一同教因茲僞
說矯□□□悞末流外習訛浸不閑經論照元
眞唯事干戈增闢諍背違佛祖片執師承雖隻刀
高呼而衆咻絕和歎時機之薄惡嗟正法以漸沉
輒釋雲華融會章庶通賢首分齊記炷香灼化投
入法性海中結志禱祈願丐聖心加被參玄者取
悟本心達識者無黨構杭發明正知見期報佛祖
恩乾道七禩坐夏玉岑因讀教章聯誌云耳
今釋融會章科分爲二初釋總題二解本文且初
釋題次題述人題曰融會一乘義四十無礙辨才
後釋融會三乘決顯明一乘之妙趣解曰初五
字標題次八字指文釋義指華嚴第九地說□無
礙辨才後經文明顯也故賢首曰此地中作大法
師明說法儀軌是故開示一乘三乘文義差別也
次十二字略釋融會融卽融和會卽會取以一乘
法體根本智爲能融能會以所流三乘法義爲所

融所會此乃大聖善巧方便引攝融會三乘令證
本源決顯一乘知眞妙趣也故清涼釋彼經曰會
三乘同歸一實解脫相中無差別故次顯述人李
唐終南山至相寺釋智儼述卽華嚴第四祖也山
名寺號祖德行門具如傳記

△二解本文取例經科大節分三初序說由致分
二正明同別分三流通指廣分且初序說由致分
文復有七初歎德宗理具同別

章曰夫圓通之法以具德爲宗緣起理實用二門取
會其二門者所謂同別二教也

解曰夫者發語之端歎法之始乃歎華嚴圓通性
海妙德難思宗本體用緣起無邊理實豁融二三
無礙機開本末教被同別一法普收二門取會二
門者同別二教門也△二列同別各開本末且初
別教本末復二初標本別末

章曰別教者別於三乘

解曰別者迥異之義諸華嚴經宗本一乘是諸佛
衆生平等本有廣大智慧具足教義理事境智行

位因果依生體用人法逆順應感等十法門義各各具十十無盡爲諸教本本法圓融具足末伴一乘法本別別無盡迥異一代諸眷屬經中小乘三乘末教所詮偏圓頓漸權實教義等十法門雖從本流而末卽圓一相孤門名方便教亦名同教亦名末教賢首約五教相攝融通中曰一或總爲一謂本末鎔融唯一大善巧法二或開爲二一本教謂別教一乘爲諸教本故二末教謂小乘三乘從彼所流故又名究竟及方便以三乘小乘望一乘悉爲方便故特述教章首立分相門顯別教一乘爲本揀餘三乘爲末列十差別就後通揀曰其別教一乘所明行位因果等相與彼三乘教施設分齊全別不同廣在經文略如下辯次立該攝門顯法鎔融該末卽本一切三乘本來悉是彼一乘法融通有二所以具如彼章六祖清涼遵用二門但改分相爲全揀該攝爲全收亦以人法融通深廣無礙總屬圓教也七祖圭山亦曰大疏玄談全揀諸宗卽別教性起義全收諸宗卽同教緣起義

然約機約法故開二門旣人法融通二亦交徹二門不二統爲華嚴圓宗□□眞界生起萬法之義也今謂圭山將全收爲同教緣起至□□華嚴本教大法界緣起卽成性起緣性相由皆不思議正顯別教中具圓通同義十無盡同也故四祖曰又一乘同法對智以彰同若引機以會同則同同具十卽窮無盡又云別同之中亦有同別由多卽一是其同也會復二師諍如後辨已上四五六七四大祖師師資遵承皆以分相該攝二門具顯華嚴本法本教頓說頓圓稱性本末一一通別故決擇第十門曰或有衆生於一乘別教解行滿足已證入果海者卽見上來諸教並是無盡性海隨緣所成更無異事等故賢首正立教中約乘法以分三宗揀異本末曰初一卽愚法二乘後一卽別教一乘中間三者雖頓終始三權實之異總爲一三乘教以皆爲三人所得故等是知前四教皆爲末教後一圓別爲本教也然中間終頓二教雖展轉深勝共談一性一相而由形對一亦名三故六祖

玄文曰三四二教雖則泯二異前而形對顯一曲巧順機故演義釋曰三卽終教四卽頓教此之二教具明一乘故名泯二異前始教存三乘也而言雖者雖明一乘由是對三故同前二亦屈由之數則前四皆屈曲收後之一教方是平道爲諸教本也又曰四爲教本者謂非海無以潛流非本無以垂末將欲逐機漸施末教先示本法頓演此經等是知究竟一乘爲稱法本教別前四教三乘皆爲末教也故科曰標本別末矣△二指經會末章曰故法華經云三界外別索大牛之車故也

解曰良以法華最後開顯雖則異時異處而與本教作方便故隨機屈曲破三顯一會異歸同會彼同時異處三乘不定之機也能會是法華方便一乘所會是始權終實三乘但會漸機洵練漸熟從漸入一故得界外別索大牛之車歸一佛慧也歸法華佛慧卽是歸華嚴佛慧也故清涼曰法華攝諸經歸華嚴以別該同皆圓教攝又曰二經化儀則異化法無殊今以法華化法同本化儀攝末本

末交映與奪相資方爲攝生之善巧則爲攝末歸本也若爾如何清涼於辯違中不許唐吉藏判法華爲攝末歸本法輪耶答不許吉藏者以彼全約化儀失據法但有大小同前識師半滿失味經別爲一類滯小失故演義釋彼違曰今此師立唯約化儀據法但有大小同前半滿亦攝義不足又曰自是立教之人不得法華之意別爲一類滯小之人是知吉藏雖判爲攝末歸本法輪而具上三失攝義不足也今家所判語同義別也今以法華約化法旨□華嚴爲法本故清涼曰於一佛乘說無量乘故彼經云諸佛以方便力於一佛乘分別說三又云吾從成佛已來種種因緣種種譬喻無量方便引導衆生卽從本流末也約化儀則最後開顯破小顯大會三歸一故清涼曰雖有衆多卽攝末歸本故彼經云以無量無數方便演說諸法皆爲一佛乘故又云汝等所行是菩薩道又云究竟至於一切種智故皆佛因是知法華依實開權說一卽多會權歸實說多卽一是故以法華方便一

◆今略令

乘爲攝末之本也。又四祖述一乘三乘義章曰。又一乘義分別有二。二者正乘如華嚴經說。二者方便乘。分別有十。初之七對依如來藏勝鬘楞伽等經。後三對依法華經。分別一乘同無盡。三乘卽不定。乃至結曰。上來所辨於眷屬經中。欲顯圓通無盡法藏。一乘教義。故於方便之處。示一乘名。今進入者。易得解。故作如是說等。又曰。上件法門。攝下諸教。頓屬其上。分本教義。漸從其末。義乃至曰。及三乘終教。寂照寂一相。真如并初教門。染淨卽空。愚法小乘。苦諦之教。等明知法華雙會權實。並小三乘也。若爾如何。清涼玄文。却云。法華但會昔權。故說三皆虛。指昔實不滯。方便故不會之。今言終實。皆爲所會者。何違祖耶。答彼斥梁朝光宅法師。依法華立四乘教。故辨其所違。故作此語。緣此師以臨門三車爲權。四衢等賜卽實。唯說法華爲實。不知抑諸般若等了義經。也是於昔大不分權實。故成抑諸實教過耳。今爲會通教旨。則不如是。是故演義大節。有三。初明會不會之意。以臨門三

◆從一作修

車施設方便。引昔權三皆無實體。正當會義。故疏曰。但會昔權。故說三皆虛。指不會昔實者。昔實已在般若等經。開顯實理。故疏曰。昔實不滯。方便故不會之。第二明會二會三之意。演義釋曰。二俱有理。破小顯大。卽是會二會權歸實。卽是會三也。第三明取昔廢昔之意。疏曰。若開權顯實。則三是一。更無別一。鈔釋有其二義。先明會三爲一次明會三歸一。且先會三爲一者。會取昔權無體之三。爲其開顯理行果法。並從一實。皆是佛因。故名取昔也。廢昔者。廢昔三教。並廢隨從各異。今從開廢之後。知三卽一心。生歡喜。自知作佛。則是實相顯是。故下鈔先引藥草喻品。證小行卽是佛。因次引信解品。證大行是其所有。乃至曰。今疏欲會三。因同爲一。因故引二文。皆明會行。故曰。會三爲一也。次明會三歸一者。疏曰。若廢權立實。義說爲四。如攬三點以成一伊等。演義曰。若廢下明會昔三歸今之一。於中二先會昔成。今有法喻。合法云。義說爲四者。以但廢昔三教言。二是權一實。便顯三外無

別一實之法云義說爲四但三爲別一爲總耳如攬三點下喻斯借涅槃第二三點成伊等乃至曰今借其喻不取其法謂以三點喻於三乘以成一伊喻爲一乘別說三乘三皆是權合三爲一故得稱實非三點外更有一點乃至曰總合爲一故成四也次疏曰若依昔未顯說一切具有如來知見根取之種今並說成則今昔有異故演義釋曰若依昔下第二彰今異昔前但合三爲一一無別法已成四乘今辨一乘別有法門則四義昭著是爲昔所未說而今說之聞所未聞未曾有法也謂昔雖有大乘亦說如來藏性涅槃法身眞常之理未曾顯說一切衆生皆悉具有如來知見唯爲一事出現於世不爲於餘故觀公云至如般若諸經深無不極故道者以之而歸大無不包故乘者以之而運然其大略皆以適化爲本應勸之門不得不以善權與用權之與化悟物雖弘於實體不定皆屬法華固其宜矣已上三義會通法華教旨大意唯顯會三歸一然以會機初後有二初立會昔成

◆ 一無此字
正字

◆ 一無即字

今義是初方便門會權歸實名會三爲一義說四乘以顯三一和合同此是清涼義也正如教章二明攝益中曰若先以三乘令其得出後乃方便得一乘者此卽一乘三乘和合說故屬同教攝乃至曰攝機成二益等及至次擇中第七門曰或有衆生於此世中三乘根不定故堪進入同教一乘者卽見自所得三乘之法皆依一乘無盡教起是彼方便阿含施設是故諸有所修皆迴向一乘如會三歸一等此是賢首義又如至相橫依方便中第二義曰與彼究竟圓一乘爲方便說一乘非卽圓通自在也此是四祖義次立彰今異昔義是後示眞實相露地授大車唯顯一乘不爲於餘此是清涼義又如決擇第八門曰或有衆生於此世中三乘根不定故堪可進入別教一乘者卽知彼三乘等法本來不異別教一乘何以故爲彼目故更無異事故如法華經同教說者是此是賢首義又如至相橫依方便中第一義曰一由依究竟一乘教成何以故從一乘所流故又爲一乘所目故此是

四祖義故演義曰彼權實是方便門說於真實是真實不謂方便爲真實則方便門開知實理之普周則真實相顯故法華云開方便門示真實相今能開顯故不滯枝派約佛弛張故須分權實也已上四五六三大祖師明法華經旨會機攝末法義差別是故四祖述章立意先標華嚴別教一乘爲本次指法華界外索車爲末本末相符善巧攝生決顯一乘也故標題曰融會決顯一乘妙趣也有三知識迷佛化源味祖本末豫師以華嚴圓別一乘唯別權三失復師雙別權實三乘失會師曰卓絕獨立失失在自相名別也三師味祖元開本末二教之意各說別三之差固茲矯亂互與闢諍澆漓道學並列卷後具評△次同教本末章曰同教者經云會三歸一故知同也

解曰華嚴四祖雲華尊者以東流一代聖教從微至著曲盡幽玄統爲五教於圓教中具本具末開別開同五祖賢首闢法遵承特述教章首明同別別如前解同如今釋言同教者以同字一言立教

一無知字

一無總名二字

總名通目一代諸眷屬經皆名同教也於中雖有偏圓頓實始權愚小等教之殊而各教下所詮教義理事境智行位十法義門皆從華嚴圓別根本法輪所流所目故派本垂末故即末同本故故名圓教也者之一字牒教名也經云者指法華經是一代化儀最後開顯以方便一乘爲能會之本以一代權漸三乘爲所會之末會末歸本本末相符攝生善巧即本同末攝末名同故清涼曰法華方便一乘爲開漸之本爲攝末之本露地等授大車故曰會三歸一故知同也須知此同唯會一代漸三之機名方便同也正當本章下文釋同次義曰又會義不同多種法門隨別取一義餘無別相故言同耳是知祖立五教并開同別皆用單字立教總名總合教下差別法義各歸一字所目也故賢首曰同教者於中二初分諸乘後融本末初中有六重七義者從一資多遞互映帶窮本究末義備諸乘故有同教一乘同教三乘同教小乘諸乘雖多乘宗止三或加佛乘則曰四乘更有開合則一

至無量乘也。若約以教攝乘教則差別盡彰緣起之奧以成同教之旨皆是如來善巧方便隨機高下施設諸教教義多種並以同字一言爲總通目諸乘諸教各詮法義差別不等是故吾祖各據乘教趣證差別隨別取義緝成多字義句名同者凡二十餘同皆是隨別取義義句名同也若取義句差別之同立同總名者矯亂多矣若約全收諸教名同者是顯本法德用無窮攝前諸教人法無礙一一同圓亦名即圓通同亦名不思議同亦名圓中同同無盡皆不思議也復師立此爲總同者錯如卷末評若約理體遍通名同者則名會融無二同此同名義唯就理體融本末機皆同一體不說德用圓融唯顯理體緝成義句名同也故曰緣起理實同一法界本末鎔融一體無二也豫師立此爲總同者錯如卷後評也若約逐機得法分齊阿含施設則名方便同此同名義從圓所流故與圓爲方便攝生故人法未圓亦名不融同此同有各種義句之同各各差別若約同顧同實名同者

以終頓二義於一佛乘詮法未圓一相孤門教下所詮存絕各異頓漸自殊故祖曰絕想一乘如楞伽此頓教佛性平等一乘此終教也雖皆詮一乘而未圓融名不融同故祖列曰同顧同實顯非合二教也會師妄執祖曰總取雙絕變存爲合二教作圓中同者此師不曉總取之意獨合終頓爲圓同失又昧融不融分同祖約不融開出義當方便同收不應約全收圓中同義說如此等失具卷後評若約泯二同者亦以終頓二教名同此約乘體是一同泯二乘故合二乘爲同教一乘也故清涼曰終頓二教泯二是同故合爲一教下列四中云三同教一乘即合終頓二教是知泯二名同的顯乘體名同也復師釋曰得名因由又非合二名同會師釋曰出合所以二師之失具評卷後若約三一和合名同者此約法華破昔權三各別法行會歸一實和合法行此約法行和合義句名同也賢首曰先以三乘令得出後乃方便得一乘者此即一乘三乘和合說故屬同教攝清涼曰會昔成

今義說四乘故借喻顯曰謂以三點喻於三乘以成一伊喻爲一乘別說三乘三皆是權合三爲一故得稱實以此證知是約法行和合名同也復會二師皆約教義和合釋者錯如卷後具評若云週三入一名同者賢首曰亦名週三入一教此如法華經說從古諸師皆以亦之一字只是重名便是三一和合更無別說今謂不然且前三一和合正是會三爲一義說四乘以顯法行和合也今名週三入一者顯機增勝示真實相露地授車故云入一正當演義曰彰今異昔義中揀云前但合三爲一一無別法已成四乘今辨一乘別有法門乃至曰唯爲一大事出現於世不爲餘乘等也既曰週三入一則知捨三唯顯一也於理昭著正是法華示真實相唯證一乘無三可合也是知兩種名義自殊不可爲一豫師等並從古說錯如卷後評其會三歸一同如上具明唯會一代權實三乘不會其頓故四祖曰離言根境非安立門故頓不屬會又曰頓屬上分本教義漸從其末義等清涼亦曰

然法華爲於一類開顯本末若將定判一代聖教敗義不盡也是知會三歸一唯會漸三一義名同也會師取此爲總同曰雖立言小異多義如彼者錯如卷後評已上略叙數同並約法義差別構成義句多字名同義非一準是故四祖特立同字一言爲同教總名通目諸同也祖曰一言通目者如以信一言通目諸位也是知以一字爲一言也文選注詩題曰古人始作四言詩五言詩其七言詩者後人加作也及至論語曰詩三百一言以蔽之曰思無邪何晏注曰古者謂一句爲一言詩雖三百篇之多可舉一句當盡其理也今謂思無邪雖三字爲句而歸正字一言也故演義曰一言蔽諸者卽論語子曰詩三百一言以蔽諸曰思無邪謂歸於正也念一佛號亦名一言直取一言只一佛字故自四祖禪要唯稱佛言耳又如世金字一言通目五金穀字一言通目五穀菓字一言通目百菓草字一言通目百草其於品物形色種性從義立名雖各各差別而各各類歸一言所目也譬今

諸教偏圓頓漸權始愚小各各教下詮顯一乘三
乘乘法稟修雖各差別而皆華嚴根本一乘圓教
法輪所流所目融會歸同故立同字一言爲總通
目諸教差別法義隨別取一謂一一法義義名同
而無別相也義近世有三知識不詳祖述有味同
字一言爲總各伸知見各取諸教義句之同各立
總同者矯亂多矣具如卷後別伸詳辨已上釋同
教本末竟兼前別教本末兩科收歸第二列同別
各開本末竟△今當第三釋同字一言爲總文復
分四且初通目多義全收名同

章曰又言同者衆多別義一言通目故言同

解曰通目諸教眷屬經中教義理事因果行位等
十法門義乃至末代流通舍利見聞等衆多差別
法義並依海印定中同時演說十十無盡主伴具
足卷舒自在皆不思議以爲教本故故賢首曰同
時顯現同時前後理不相違當準思之故今科曰
通目多義全收名同者全收諸教爲不思議圓通
同也△二會差別義方便名同

章曰又會義不同多種法門隨別取一義餘無別相
故言同耳

解曰會彼同時異處異時異處逐機深淺說諸經
教各各所詮多種法門隨別取之一一法義並同
本教所流所目與本圓別作方便引攝故以同通
目故無餘別相故故四祖曰華嚴是主餘經是眷
屬以此準之諸部教相法義差別不等隨別取一
不離本故故以同目故賢首亦曰是同教故末不
離本故依本而說故言同耳故祖依經立一同字
爲教總名具含總別總約本法融通通目多義一
一同圓故有全收諸教名圓中同也別約逐機分
齊差別會義不同多種法門隨別取之故有全揀
諸教名方便同也若人法俱融別總別無二也故
華嚴曰善財見大願精進力夜神發十種同已心
夜神與說八十四同行清涼疏曰通論同有四義
一人法無二與一切法界同二因果無二與一切
諸佛同三自他無二與一切菩薩同四染淨無二
與一切衆生同故鈔釋曰謂由證見法界體同故

上同諸佛下同衆生等故祖依經立同爲總目也

△三通目諸乘宗類名同

章曰所言同者三乘同一乘故又言同者小乘同一乘故又言同者小乘同三乘故

解曰前明諸教所詮差別法義同竟今顯乘同然諸經論乘數至多開合不等有約趣果止分爲二謂大小二乘也有約從理成行則分爲三謂大乘中乘小乘也有依法華三乘一乘約界分體相方便究竟不同故又約數說謂二及三各通三二義意故說也今此乃約成機欲性顯法本未乘宗類攝也故四祖曰依攝論一乘三乘小乘謂於教門中成機欲性顯法本末差別不同也是故以三小之末同一之本者以道品名同引失三小生信樂故故四祖問曰一乘道品既名數別體亦須別因何有義與三乘同答據義分量深淺寬狹並皆不同今舉義門有差別名字有同欲引三乘信樂故也小乘道品名數略有三十七種三乘道品名數亦同但義有異廣在經論此顯道品名同引末同

◆一無二乘二字

◆有一作者

本說也若約法相交參一乘垂於三乘三乘參於一乘兩宗交接連綴引攝令易信入者委在下文云卽以一乘別教從三乘說中具釋又如五祖教章同教門中初分諸乘有六重第一重內七義委明賢首於後結曰依上諸義卽三乘等並名一乘皆隨本宗定故主伴不具故是同非別也△四叙古之通通卽名同

章曰前德已述通別二教而未見釋相今以理求通之與同義無別趣也

解曰雲華尊者述古之通通義卽同故以同字一言立同總名顯非自意遵古所立也已上四科收歸第三釋同字一言爲總竟△今當第四彰問答答異歸同文復分四且初彰異違同問

章曰問所以佛教多用一言通目諸義既通目諸義於辨才中云何得明法義及辭樂說等耶

解曰本問來意既曰一言通目諸義諸義應同如何於辨才中却有法義辭說四種異耶耶之一字助顯問意也△二遣言通性答